

SOL DI PUEBLO

BRIYANDO FUERTE • TRECIENDO CLARIDAD

**YIU HOMBER
NA CALABAS
DETENI,
SOSPECHA DI A
MATA SU MAMA**



**CHARLIE
A FAYECE!**



**ARUBA MARINE MAMMAL
FOUNDATION (AMMF) A
CONFIRMA CU E DOLFIJN CHARLIE
A FAYECE DIALUNA ANOCHI
DESPUES DI DOS SIMAN DI CUIDO
INTENSIVO Y ESFUERZO PA SALBA
SU BIDA. APESAR DI DEDICACION
CONSTANTE DI BOLUNTARIONAN
Y EXPERTONAN, SU CONDICION A
DETERIORA RAPIDAMENTE**

MINISTER GEOFFREY WEVER A DUNA PRESENTACION DI RIJKSWET HOFA Y LANDSVERORDENING WHO NA AHATA CU INFORMACION CLA Y DIALOGO HABRI

Oranjestad, Aruba – Minister di Finansa, Asunto Economico y Sector Primario, mr. Geoffrey Wever, a organisa un serie di Town Halls pa amplia e comprendemento di e consensus Rijkswet houdbare overheidsfinanciën (HOFA) y e Landsverordening waarborging houdbare overheidsfinanciën (Lwho) cu diferente organisacion den nos comunidad.

Durante e serie di town halls lo reuni cu varios gremio y organisacionnan di comunidad. Siman pasa a tuma luga e prome sesion di e serie, unda a reuni cu e gremio di sector hotelero AHATA, y su miembronan. E presentacion ta enfoca riba e contenido legal di e rijkswet y e ley local, y riba e impacto real y beneficianan financiero pa Aruba. AHATA y su miembronan ta hunga un rol sumamente importante den e economia di Aruba, considerando cu e sector hotelero ta e dunador di trabou mas grandi na Aruba.

Durante e presentacion, Minister Wever a splica kiko ta e beneficianan financiero directo pa pais Aruba. Tambe a duna espacio pa por a hiba un dialogo habri entre e miembronan di AHATA y Minister Wever, unda participantenan a haya oportunidad pa haci pregunta y discuti preocupacionnan.

Un punto central durante e presentacion tabata e beneficio financiero directo pa pais Aruba y e comunidad. Minister Wever a splica cu e Rijkswet HOFA lo duna Aruba un reduccion di interes di Afl. 128 miyon riba e prestamo di Afl. 916 miyon cu Aruba a sera cu Hulanda durante COVID y tambe cu Hulanda lo refinancia 6 prestamo cu Aruba tin cu banconan internacional cu un reduccion di Afl. 238.5 miyon, pues den total un reduccion di minimo Afl. 366.5 miyon na interes cu Aruba por inverti den enseñansa, infraestructura, economia, sector primario etc. Riba e COVID lening cu Aruba tin cu Hulanda Aruba ta pagando 6.9% interes cu bow di e HOFA lo bira mas o menos 3.5% di interes, dunando Aruba un reduccion di interes di Afl. 128 miyon y riba e prestamonan cu Aruba tin riba mercado internacional Aruba, Aruba ta pagando mas o menos 6.5%, cu Hulanda tambe ta dispuesto pa refinancia na mas o menos

3.5%, pues Aruba lo realiza un reduccion di gasto di interes di minimo Afl. 366.5 million.

Fuera di e refinanciamiento aki cu lo duna Aruba un impulso financiero di total Afl. 366.5 miyon, Aruba lo por presta placa for di Hulanda, contra un interes di mas o menos 3.2%-3.5%, na luga di mas o menos 6.5%, pa por ehempel construi un prison, un rioolwaterzuiveringsinstallatie y otro proyectonan strategico.

E refinanciamiento cu Hulanda ta dispuesto pa duna Aruba na un interes asina abou, ta algo cu Aruba nunca lo por haya den mercado liber. Minister Wever a enfatisa cu e placa cu ta wordo salba na interes, lo e ora wordo reinverti den Aruba pa haci un impacto positivo. Por ehempel, den proyectonan manera drecha caminda, scolnan, transporte publico etc.. Teniendo na cuenta cu e pilar economico di Aruba di mas grandi ta Turismo, e habilidad cu e ora lo por reinverti /placa bek pa e bienestar di nos comunidad, y tambe cu ta aporta na e sector Turistico.

Tambe a wordo aclara cu e acuerdo aki ta basa riba responsabilidad comparti y madures den finanzas publico di pais Aruba. Mescos cu un acuerdo bancario, una bes cu termino nan ta wordo acepta, no ta posibel pa unilateralmente cambia condicionnan of no cumpli cu obligacionnan. E sistema ta existi pa proteha y garantiza estabilidad y confiansa den nos finansa publico.

Ademas, a wordo enfatisa cu Aruba mes tin control riba su proceso dentro di e parametro nan estableci. E reglanan di maneho di nos finansa publico lo bira mas facil, mas eficiente y lo duna Aruba mas control riba su maneho financiero compara cu e sistema cu nos tin awo.

A dialoga riba un argumento cu opositornan politico ta trece dilanti, esta cu nos ta perdiendo nos autonomia. Manera declara anteriormente den e articulo aki, tin checks and balances, y e acuerdo aki ta uno “hybride” caminda cu e budgetrecht di Parlamento no ta wordo atacha. Ademas di esaki, gobierno a negosha di baha e cantidad di momentonan pa Rijksmisterraad



por duna un aanwijzing. Awor tin 8 momento cu Rijksmisterraad por interveni y Aruba por hanja un aanwijzing ora no ta cumpli cu e exigencianan den e LAft. Den e Rijkswet HOFA tin solamente 3 momento cu Rijksmisterraad por interveni.

Minister Wever a splica cu un parti di e acuerdo cu Hulanda lo wordo formalisa den e Rijkswet HOFA y den un ley local, esta e Landsverordening who. Minister Wever a splica con e proceso legislativo ta canando y cu recientemente Raad van Advies a conseha cu tin un articulo ta contra di nos constitucion, e articulo 38 di e Rijkswet HOFA y cu esaki lo wordo adresa na momento cu Raad van State tambe duna su conseho.

Minister Geoffrey Wever a enfatisa cu: “Ta importante pa nos comunidad haya acceso na informacion corecto y completo. Hopi biaha nos ta mira cu parti di informacion ta wordo presenta ta fuera di contexto, cu por crea confusion innecesario. Cu e iniciativa aki, nos kier duna claridad na nos stakeholders.

Cu un dialogo bon y preguntanan reflectivo, por conclui cu e prome sesion tabata uno exitoso cu e varios miembronan di AHATA. Minister Wever ta gradici CEO & Presidente di AHATA Sra. Tisa LaSorte, y henter e team di AHATA como tambe e miembronan di AHATA pa un sesion productivo. Gobierno lo continua cu e serie di Town Halls aki hunto cu diferente gremionan, organisacionnan y stakeholdernan den comunidad.

Organisacionnan cu tin interes pa organisa un sesion informativo por tuma contacto via e siguiente email adres: info.bmfeps@arubagovernment.aw.

DOLFIJN CHARLIE A FAYECE

Aruba Marine Mammal Foundation (AMMF) a confirma cu e dolfijn Charlie a fayece dialuna anochi despues di dos siman di cuido intensivo y esfuerso pa salba su bida. Apesar di dedicacion constante di boluntarionan y expertonan, su condicion a deteriora rapidamente. Charlie a fayece tranquilamente den awa mientras cu boluntarionan tabata na su banda. Comunidad a uni den tristesa y gratitud pa tur esnan cu a lucha pa duna e dolfijn un ultimo oportunidad pa sobrevivir. Un autopsia ta andamento pa determina e causa exacto di su morto.

Algun siman pasa, Premier di Aruba tambe a acudi pa wak Charlie y caric'e un poco.



YIU HOMBER DI CASO CALABAS DETENI; E TA SOSPECHA DI A MATA SU MAMA

CUERPO POLICIAL ARUBA TA INFORMA— DESPUES DI UN INVESTIGACION RELAMPAGO A DETENE E YIU HOMBER DI E CASO NA CALABAS Dialuna dia 25 di mei 2026 pa mas o menos 7:53 di mainta central di polis ta wordo notifica di un caso na Calabas na unda a haya un señora di edad cu no ta duna señal di bida.

Ta despacha patruya di polis como tambe ambulance na e sitio. Na yegada di polis ta bin topa cu e yiu homber y e na su turno ta informa polis cu su mama no ta duna señal di bida. Ambulance ta presenta na e sitio y a

haci nan maximo esfuerso pero no por haci nada mas pa e señora. Dr. Texier a presenta y ta constata morto di e señora di inicial C.R. Piñero di 73 aña naci na Venezuela. Recherche, polis tecnico (BFTO) y dr forensico a presenta pa haci e investigacion pa descarta si lo ta trata di un hecho castigabel.

Despues di un rato a pidi ambulance bek na e sitio pa e yiu homber y e la wordo transporta cu ambulance pa haya tratamiento medico. Recherchenan di Noord hunto cu polis tecnico y docter forensico a sigi cu e investigacion y na unda a resulta cu lo tin indicacion cu e morto



di e señora Piñero no ta natural. Mirando e caso serio aki, Recherche a detene e yiu homber

E.E.B.P. naci na Venezuela di 44 aña relacion cu e caso encuestion.

Cuerpo Policial Aruba ta manda palabra di condolencia na famia di e fayecido.

CORTE A CONFIRMA E AUTORIDAD DI GOBIERNO PA ACTUA CONTRA E UZO ILEGAL DI E-STEPNAN Y BICICLETA ELECTRICO



Den un recién decision di Corte relaciona cu uzo ilegal di e-stepnan y bicicleta electrico riba camindanan publico, Corte a confirma cu Gobierno di Aruba por actua conforme procedementonan administrativo stipula den ley. Na mes momento, Corte a duna claridad adicional riba e proceso administrativo cu por aplica den e caso aki.

E caso ta relaciona cu e prohibicion di e-stepnan y bicicleta electrico for di espacionan publico cu Minister di Husticia Arthur Dowers a anuncia algun siman atras. Den su decision, Corte a indica cu accionnan di handhaving mester tuma luga conforme e trayecto administrativo y

e procesonan stipula den legislacion vigente.

Corte a dicta cu e medidanan di control contra e-steps y bicicleta electrico mester tuma luga di acuerdo cu e procedimentonan administrativo prescribi den ley.

Minister Dowers ta respeta e decision aki y lo cumpli cu e sentencia. Na mes momento, Minister di Husticia ta enfatisa cu ningun momento a tuma e vehiculonan aki den beslag sino a coy nan "in bewaring" y a entrega esakinan bek na nan respectivo doño cu a bira conoci despues di e ordemaatregel. E decision

di corte no ta limita autoridad di Minister di Husticia pa actua contra e uzo ilegal of na momento cu constata infraccionnan, y lo actua conforme ley.

Pais Aruba por, ora aplicabel, impone medidanan administrativo (manera boetnan administrativo of un orden cu sancion financiero den caso di incumplimento) y tuma accion di control contra usarionan cu comete infraccionnan di trafico.

Gobierno ta reafirma cu proteccion di comunidad y cumplimiento di ley ta keda central den tur decision relaciona cu uzo di transporte alternativo riba caminda publico.

Clasificados



SOLODIPUEBLO@GMAIL.COM

CEL.585 9500



POLIS DEN UN TEMPO RELAMPAGO A DETENE SOSPECHOSNAN DEN CASO DI TIRAMENTO NA SEROE COLORADO

Diamars pa 12:06 di merdia central di polis ta wordo informa door di un hende homber cu un rato prome un auto color blauw cu 4 homber aden a los tiro y lo a alcansa su auto den Seroe Colorado.

Ta asina cu Central di Polis ta despacha patruya di San Nicolas y mas unidadnan pa Seroe Colorado.

Na yegada riba e caminda bayendo direccion di hotel Secret ta bin topa cu e chauffeur hende homber den un auto color shinishi. E homber ta informa polis cu un rato prome un auto KIA color blauw cu 4 homber aden lo mester a bin su tras, a los tiro cu a alcansa e su auto.

E homber a duna discipcion di e auto y e sospechosonan. Di biaha a cuminsa un buscada pa cu e auto y e sospechosonan.

Un rato despues ta bin topa cu e auto KIA color blauw cu probablemente lo ta esun involvi den e caso na altura di Isaac Wagemakerstraat. E auto a wordo confisca pa mas investigacion.

A sigi cu e buscada y na altura di Dirkszstraat ta bin detene dos hende homber cu lo ta relaciona cu e caso y transportanan pa warda di polis San Nicolas.

Polis na Isaac Wagemakestraat ta detene

despues tambe e otro sospechoso na e sitio cu tambe a wordo transporta pa warda di polis San Nicolaa na unda nan lo presenta dilanti un sub fiscal.

Recherche y polis tecnico a presenta pa asina haci nan investigacion. Bon trabao di parti tur unidadnan di San Nicolas tamve tur unidnan cu a duna un man y den un relampago a pone man riba e sospechosnan.

Cuerpo Policial Aruba ta haci un apeciacion na esun cu sa algo of a wak algo pa yama e tiplijn di polis cu ta 11141. Bo ta keda anonimo.

COS A BOLTER: YIU HOMBER DETENI PA MORTO DI SU MAMA NA CALABAS

DESPUES DI UN INVESTIGACION RELAMPAGO A DETENE E YIU HOMBER DI E CASO NA CALABAS

Dialuna dia 25 di mei 2026 pa mas o menos 7:53 di mainta central di polis ta wordo notifica di un caso na Calabas na unda a haya un señora di edad cu no ta duna señal di bida.

Ta despacha patruya di polis como tambe ambulance na e sitio.

Na yegada di polis ta bin topa cu e yui homber y e na su turno ta informa polis cu su mama no ta duna señal di bida.

Ambulance ta presenta na e sitio y a haci nan maximo esfuerso pero no por haci nada mas pa e señora.

Dr. Texier a presenta y ta constata morto di e señora di inicial C.R. Piñero di 73 aña naci na Venezuela. Recherche, polis tecnico (BFTO) y dr forensico a presenta pa haci e



investigacion pa descarta si lo ta trata di un hecho castigabel.

Despues di un rato a pidi ambulance bek na e sitio pa e yui homber y e la wordo transporta cu ambulance pa haya tratamiento medico.


Recherchenan di Noord hunto cu polis tecnico y docter forensico a sigi cu e investigacion y na unda a resulta cu lo tin indicacion cu e morto di e señora Piñero no ta natural.

Mirando e caso serio aki,

Recherche a detene e yui homber E.E.B.P. naci na Venezuela di 44 aña relacion cu e caso encuestion.

Cuerpo Policial Aruba ta manda palabra di condolencia na famia di e fayecido. (Homber di e foto ta pa referencia)

Na caminda pa Mundial



FIFA TA CONFIRMA SHETE SELECCION CU CAMPAMENTO BASE NA MEXICO

FIFA a confirma dialuna cu e seleccionnan di Colombia, Iran, South Korea, Sur Africa, Uruguay, Tunez y Mexico lo tin nan campamento base den e pais aki p'e Mundial 2026 cu lo cuminsa dia 11 di juni proximo.

E ekipo di Sur Africa, cu lo enfrenta e conhunto local den e inauguracion na Estadio Azteca, lo concentra na Pachuca, Hidalgo, situa un 90 kilometer nort di e capital Mexicano. Den e Mundial, Sur Africa lo forma parti di grupo A hunto cu Mexico, South Korea y Republica Checa.

South Korea lo tin su concentracion na Guadalajara, Jalisco, den west di e pais, den e instalacionnan di Chivas di Guadalajara, un di e ekiponan mas popular di e liga local. Di su banda, Mexico, dirigi pa Javier Aguirre, lo tin su cuartel general den e Centro di Alto Rendimiento di e Federacion Mexicano di Futbol, situa zuid di Ciudad de Mexico, cerca di Estadio Azteca.

Iran, integrante di grupo G hunto cu Belgica, Egipto y New Zealand, lo tin su concentracion na Tijuana,



Baja California, den nort di Mexico, den e instalacionnan di Xolos di Tijuana, a pesar cu nan no lo hunga ningun partido den e pais aki. Esaki a wordo confirma pa Claudia Sheinbaum, presidenta di e pais. E mandatario a splica dialuna cu Merca no tabata kier pa e seleccion di Iran pasa hamber ni keda drumi eyran, pa cual motibo Mexico a acepta pa ricibi nan sin ningun problema.

E seleccion di Colombia, cu ta den grupo K hunto cu Portugal, Republica Democratico di Congo y Uzbekistan, lo traha na Guadalajara den e instalacionnan di Atlas. Colombia lo debuta dia 17 di juni contra Uzbekistan den Estadio Azteca, lo hunga dia 23 contra RD di Congo na Guadalajara y lo cera e fase di grupo contra Portugal dia 27 na Miami.

Uruguay, situa den grupo H cu Spaña, Cabo Verde y Saudi Arabia, lo concentra na Cancun, Quintana Roo, den e Mayakoba Training Center. E ekipo di Marcelo Bielsa lo hunga un partido so na Mexico, dia 26 di juni contra Spaña. Por ultimo, Tunez, cu ta comparti grupo F cu Hulanda, Hapon y Suecia, lo keda na Monterrey, Nuevo Leon, den nort di e pais.



Na caminda pa Mundial

MEXICO LO RICIBI MUNDIAL CU MUSEO NOBO Y "MAS SIGURIDAD" NA TEOTIHUACAN

Secretaria di Cultura di Mexico a presenta dialuna e actividadnan cultural di e asina yama Mundial Social, den cuadro di e proximo Copa Mundial di FIFA. Entre e medidanan, a destaca instalacion di arconan di siguridad y despliega di mas elemento di Guardia Nacional na e zona arkeologico di Teotihuacan, caminda un luna pasa tabatin un tiramento mortal.

Coordinador nacional di Instituto Nacional di Antropologia y Historia (INAH), Antonio Huitrón, a splica cu e sitio arkeologico ta spera un aumento di 35 por ciento den fluho di bishitante durante e evento di futbol. A pesar di e pronostico aki, e personal di custodia di INAH a keda mescos cu 49 persona for di e incidente unda un turista Canandes a perde su bida, pero a duna di conoce cu e refuerso ta bin di Guardia Nacional y instalacion di shete arco di siguridad na e cinco portanan di e zona.

E personal aki lo encarga tambe cu vigilancia di e museo nobo di "Grandeza Teotihuacana" cu lo habri pronto den e compleho, sumando un total di tres espacio di museo den e luga. Gobierno Mexicano a inverti mas di



37 miyon peso pa drecha e accesonan, museonan y señalisa di Teotihuacan.

Di su banda, secretaria di Cultura, Claudia Curiel de Icaza, a splica cu e Programa di Accion di Mundial Social a conta cu un inversion total di mas di 398 miyon peso. Cu e fondo aki, a restaura 46 zona arkeologico, 15 museo (incluyendo

Museo di Antropologia y Palacio de Bellas Artes) y 12 juego de pelota. Ademas, lo ofrece 281 actividad cultural na 11 estado di e pais, di cual 170 lo ta concentra na Ciudad de Mexico, sede inaugural di Mundial.

E programacion ta inclui presentacion di arte, exposicion temporario y rutan di muralismo Mexicano.

E Mundial Social a wordo anuncia na aña 2025 pa presidente Claudia Sheinbaum cu e obhetivo di uza e Copa del Mundo pa mostra e herencia cultural di e pais.

Mexico lo fungi como escenario pa 13 partido di e torneo for di dia 11 di juni te cu 5 di juli, y oficialnan ta calcula cu e pais lo ricibi mas di 5.5 miyon bishitante.

PROME MINISTER MIKE EMAN TA CONSOLIDA COOPERACION PA PRECLEARANCE EUROPEO CU ROYAL SCHIPHOL GROUP

Durante un reunion strategico na Hulanda, Prome Minister mr. Mike Eman, hunto cu Minister Plenipotenciario mr. Mildred Schwengle, a reuni cu CEO di Royal Schiphol Group (RSG), mr. Pieter van Oord. Durante e encuentro, ambos partidonan a reafirma e fuerte relacion institucional cu ta existi entre Aruba y Schiphol. Tambe a dialoga riba oportunidadnan pa amplia e cooperacion den futuro, y delinea un grupo di maneho pa guia e proceso di introduci un preclearance Europeo entre Aruba y Hulanda.

Prome Minister Mike Eman a enfatisa cu pa Gobierno di Aruba tabata di gran importancia pa restablece y fortalece e relacion cu Schiphol despues di periodonan dificil den gobierno anterior. "Nos ta hopi contento cu durante entrada di nos den gobierno nos por a restablece e contactonan y garantisa

e continuidad di e relacion entre Aeropuerto di Aruba cu Schiphol. Pa nos e relacion aki ta sumamente importante," Prome Minister Mike Eman a expresa. Segun e Prome Minister, Schiphol ta hunga un rol importante den e expansion di mas cu 400 milyon dolar cu ta tuma lugar na Aeropuerto Internacional Reina Beatrix. "Pa un proyecto di e grandura ey, ta hopi importante pa tin conocimiento local pero tambe internacional. E contribucion y experiencia di Schiphol riba maneho di aeropuerto ta sumamente valioso pa Aruba," Eman a declara. Un tema central durante e reunion tabata e iniciativa pa investiga e posibilidad di implementa preclearance Europeo entre Aruba y Hulanda. Segun Gobierno di Aruba, Schiphol ta un socio strategico den e dialogo cu Hulanda y Bruselas tocante e tema aki. "Schiphol ta partner di nos den yuda busca e posibilidadnan pa EU preclearance. Nos a traha duro

den Hulanda y na Bruselas, y nos ta contento cu Schiphol ta dispuesto pa colabora como partner den e proceso aki," Eman a bisa.

Di su banda, Pieter van Oord a confirma cu Royal Schiphol Group ta mira e cooperacion cu Aruba como un relacion fuerte cu potencial pa sigui crece den futuro. "Relacion entre Schiphol, Gobierno di Aruba y Aeropuerto Internacional Reina Beatrix ta excelente. Esaki ta di dos encuentro cu Prome Minister Mike Eman y nos ta aprecia e bon cooperacion cu Aruba," Van Oord a expresa. Segun Van Oord, Schiphol tambe ta mira bentaha den e concepto di preclearance, pasobra esaki por yuda crea mas capacidad operacional na Schiphol. "E traslado di control di aduana y imigracion for di Schiphol pa Aruba por crea mas espacio operacional na Schiphol y esaki lo ta den beneficio di ambos aeropuerto," e CEO di Schiphol a



explica.

Royal Schiphol Group hunto cu Gobierno di Aruba y KLM recientemente a firma un Memorandum of Understanding (MoU) pa sigui explora e iniciativa di un EU preclearance. Gobierno di Aruba ta considera e cooperacion cu Schiphol como un paso importante den e vision pa fortalece conectividad internacional, innovacion aeroportuario y posicion strategico di Aruba como hub den region.

SETAR TA ANUNCIA CU LO DESCONECTA SU RED DI 2G DEN 2026

SETAR ta anuncia cu entrante 1 di augustus 2026 lo desconecta su red di 2G, como parti di su compromiso continuo pa modernisa su infraestructura di telecomunicacion y sigura calidad di servicio, confiabilidad y seguridad pa tur nos clientenan.

Rond mundo nos ta wak cu e industria global di telecomunicacion ta desconectando e tecnologia di 2G y 3G pa traha luga pa tecnologianan di ultimo generacion, enfocando riba rednan mas avansa y eficiente, esta 4G y 5G.

Impacto riba cliente y device

Despues di 1 di augustus, devicenan y servicicionan cu ta traha exclusivamente riba e red di 2G lo stop di funciona. Esaki ta inclui,

entre otro:

- Telefonnan bieu cu ta traha solamente riba 2G
- Sistemanan di alarma y seguridad cu ta traha solamente riba 2G
- Point-of-sale (POS) terminals cu ta traha solamente riba 2G

Ta recomenda clientenan cu ta uza ekiponan aki pa cuminsa planifica e transicion pa devicenan y SIM cardnan compatibel cu e red di 4G of 5G p'asina evita interrupcion di servicio. Despues di desconecta su red di 2G, SETAR ta premira cu su red di 3G lo wordo desconecta na aña 2029.

Un stap padilanti pa conectividad na Aruba



E transicion aki ta refleha SETAR su compromiso pa ofrece rednan moderno cu ta cumpli cu e demandanan creciente di comunicacion digital, conectividad di negoshinan y tecnologia smart rond di nos isla.

Parlamentario Endy Croes: Gerlien Croes tin algo contra China?

LED SCREEN PA STADION DAKOTA TA UN P4.81 DEFENDERS SERIES OUTDOORS CUMpra NA CHINA



Parlamentario Endy Croes a constata cu Minister Gerlien Croes ta gobernando cu “odio y repudio”, mustando esaki publicamente pa di dos biaha den Parlamento door di expresa su mes contra tur ekipo y material fabrica na China. Segun Croes, e actitud aki ta lanta e impresion cu e mandatario tin algo contra e colonia Chines, un echo cu e parlamentario ta lamenta profundamente, mirando cu e comunidad Chines ta masha keri na Aruba y nan aporte na nos economia ta uno substancial.

Banda di esaki, China ta e potencia mundial den exportacion; nan a exporta 3.8 triyon dollar na material pa mas di 210 pais rond mundo durante aña 2025, di cual 1.1 triyon tabata na ekiponan electronico. Pues, ta incomprensibel e repudio constante di Minister Gerlien Croes contra materialnan cumpra na China.

Renobacion di Compleho

Deportivo Guillermo Prospero Trinidad:

Desde februari 2023, e ex-minister e tempo ey hunto cu Gabinete Wever-Croes II a anuncia e comienso di e renobacion di Stadion Guillermo Prospero Trinidad (GPT) na Dakota. E proyecto aki a wordo realiza den varios fase, mirando e estado den cual e stadion tabata prome. Pa por a logra cu FIFA haci un inversion miyonario den e shete (7) veldnan di nos clubnan local cu lo haya yerbe artificial, FIFA a pone dos (2) condicion fundamental cu Gobierno a priminti di cumpli cu nan:

1. Certificacion di Veld y Luz: Gobierno mester a renoba e cancha di GPT cu yerbe artificial certifica pa FIFA y instala luznan cu mester alcanza 1000-1200 lux. Desde aña 2024, FIFA a acredita e yerbe y Gobierno a cumpli cu e luznan nobo cu ta duna 1200 lux. Asina a cumpli cu e prome condicion.

2. Seguridad Legal pa e Clubnan: Gobierno mester a traspasa e terenonan di bala pa e shete clubnan (Nacional, Bubali, RCA, Riverplate, Dakota, Estrella y La Fama) pa un minimo di 30 aña riba number di e club mes. Gobierno a encamina e proceso aki pa cumpli cu e traspaso di e cinco (5) huurgrond y dos (2) erfpachtman.

Banda di esaki, a haci mas inversion pa upgrade e stadion. Deporte di Atletismo tambe a haya atencion cu un pista di e marca mundial “Mondo”, cual ta un marca top of the line. Ademas:

- A kibra un banda di tribuna y renob’e completo.
- A renoba dos (2) kleedkamer por completo, incluyendo instalacion di coriente y aircor.
- A renoba ful e area di VIP, alocando mas baño y un cantina cu su bar.

E stadion por a wordo uza caba desde augustus 2024, unda nos seleccion femenino U15 a logra e prome medaya di oro den nos historia. Ora gobierno a cambia, a keda algun trabou pendiente cual a wordo traspasa pa e Minister nobo den e documento oficial. Den e overdrachtsformulier, bou di letter D, a splica ampliamente cu e LED Screen a yega Aruba den luna di maart 2025 y mester wordo instala. Bou di letter C a splica varios otro puntonan di atencion pa asina termina e bunita proyecto aki. Por lo demas, pueblo ta conoci caba cu e actitud infantil di e Minister, unda manera el a drenta a para e proyecto y a coy e yabi di e

Stadion hib’e su cas.

LED Screen pa Stadion GPT Dakota:

Den Parlamento, na dos ocasion, Minister Gerlien a splica cu e LED Screen cu a wordo cumpra ta via Alibaba y cu e ta un marca Chines cu, segun e Minister, ta un ‘indoor LED Screen’. Dialuna siman pasa, el a bolbe ripiti esaki den Parlamento pa di dos biaha. Como cu Gerlien tin un “apodo” den boca di pueblo como un ganador, pueblo no ta kere den su palabranan mas. Mescos el a gaña Parlamento te cu awe riba e private jet, y ainda no kier contesta ni muestra recibo di su biahe di trabou representando pais Aruba. Gerlien ta muestra un grado di frustracion contra e LED Screen, pasobra esaki a wordo cumpra na un compania na China. E ta baha su frustracion riba productonan Chines, mientras cu China ta fabrica material di bon calidad pa henter mundo. En realidad, e marca di e LED Screen ta un P4.81 Defenders Series ‘Outdoor LED Stadium Screen’. Ta trata di un screen grandisimo y bunita, specialmente diseña pa Stadion Dakota. Nos no sa kendenan por a hinka den su cabes cu esaki ta un indoors screen. Nos ta lamenta cu e Minister a opta pa laga e screen aki, desde april 2025, benta abou na tera den stadion enbes di a coordina pa arma esaki. Nos lo percura pa haci e preguntanan necesario por escrito pa asina no permiti e ‘capitalvernietiging’ cu e mandatario ta practicando, y nos lo insisti pa laga arma e LED Screen cu ta na Aruba caba desde maart 2025. Dieptriest!

PROME MINISTER MIKE EMAN A BISHITA KONINKLIJK HUISARCHIEF NA DEN HAAG

Den cuadro di e bishita oficial di delegacion di Aruba na Hulanda, Prome Minister mr. Mike Eman, hunto cu Ministro Plenipotenciario Mildred Schwengle y delegacion, a bishita diamars mainta e Koninklijk Huisarchief na Den Haag. Director di Koninklijke Verzamelingen na Den Haag, drs. Claudia Hörster, y director interino di Kabinet van de de Koning, drs. Frans Princen a ricibi e delegacion.

E encuentro a enfoca riba e importancia di preserva y documenta patrimonio historico di Reino Hulandes, incluyendo e relacion

historico profundo entre Aruba y e Casa Real Hulandes. Durante e bishita, e delegacion a haya un recorrido den e archivo, caminda a mostra diferente documentonan historico y potretnan di antaño hasta esnan relaciona cu Aruba.

Un di e momentonan cu a yama particularmente atencion tabata e descubrimiento di diferente potretnan y imagennan historico di Aruba cu ta data for di 1904. E material historico ey ta ofrece un bista unico riba con Aruba tabata wordo representa y documenta den e prome



periodonan di siglo pasa. Prome Minister Mike

Eman a expresa su aprecio pa e manera cu e archivo

ta preserva e memoria historico di Reino.

MINISTER GEOFFREY WEVER:

SAN NICOLAS POP-UP MARKET DEN SOLO 6 LUNA, E MERCADO MAS GRANDI DI ARUBA

Oranjestad, fecha - Minister di Finansa, Asunto Economico y Sector Primario, Geoffrey Wever, ta anuncia cu e mercado mensual na Plaza Lolita na San Nicolas, e San Nicolas Pop-Up Market den seis luna di existencia, a bira oficialmente e mercado mas grandi di Aruba.

E cifranan ta papia pa nan mes. E mercado a cuminsa na september 2025 cu apenas 13 vendors. Awe, e ta conta cu casi 70 vendors activo. Y mas di 30 vendornan adicional ta riba e lista di espera pa participa.

E crecimiento aki no ta un coincidencia. E ta e resultado directo di un vision claro y di trabou duro.

Minister Geoffrey Wever a enfatisa e significancia di e

logro:

"Ora cu nos a lansa e Pop-Up Market, nos a kere den e potencial di San Nicolas y den e potencial di nos productornan y empresarionan local. E cifranan di awe ta confirma cu nos pueblo tabata cla pa e oportunidad aki. Mas di 70 vendors activo y mas di 30 riba lista di espera, ta un señal convincente cu e economia local di San Nicolas ta despertando."

Un papel crucial den e exito aki a wordo hunga door di e District Advisor di San Nicolas, Sr. Rondel Heyliger. Su dedicacion diario, su presencia den comunidad y su trabou operacional incansabel a hasi posibel cu cada edicion a wordo ehecuta cu calidad y orden.

"Rondel Heyliger a demostra con un lider comprometi y cerca di su comunidad por hasi un impacto real. E ta e ehempel di e tipo di sirbido publico cu nos pueblo merece," segun Minister Wever.

E San Nicolas Pop-Up Market ta mas cu un mercado. E ta un motor economico. E ta creando ingreso pa famianan local. E ta brindando un plataforma na productornan y artesonan local. Y e ta revitalizando e curason di San Nicolas.

E iniciativa ta den linea directo cu e Programa di Gobernacion AVP-FUTURO 2025-2028, cu ta pone prioridad riba crecimiento economico duradero, fortalecimiento di empresarionan chikito

y revitalisacion urbano di San Nicolas como centro economico y cultural di nos isla.

E mercado ta cece. E lista di espera ta crece. Y e confiansa den nos economia local ta crece hunto cu ne. San Nicolas no ta para keto. San

Nicolas ta avansando.

Minister Geoffrey Wever ta invita tur residente y bishitante di Aruba pa sostene nos vendors local y pa biba di cerca e transformacion di San Nicolas.

SAN NICOLAS POP-UP MARKET

LOCAL FOODS, SNACKS & PRODUCTS
LOCAL ARTS & CRAFTS
FRESH PRODUCE
KIDS CORNER
SHADED SITTING AREAS
LIVE STEELPAN & DJ. BANG DADDY

60+ VENDORS & ARTISANS

SAT MAY 30, 2026
9AM - 2 PM
PLAZA LOLITA, SAN NICOLAS

Minister Gerlien Croes:

ENCUENTRO CU COA Y PANAM SPORTS PA FORTALECE DESARROYO DEPORTIVO NA ARUBA



ORANJESTAD, 25 di mei 2026 – Como Minister di Deporte, sra. mr. Gerlien Croes, a sostene recientemente un encuentro productivo cu representantenan di Comité Olímpico Arubano (COA) y Panam Sports, kende ta di bishita na Aruba.

Durante e reunion, a tene un dialogo ameno y fructifero enfocando riba desaroyo di deporte na nos isla, unda a explora diferente ideanan y oportunidadnan pa sigui eleva e nivel deportivo y amplia e posibilidadnan pa nos atletanan.

Panam Sports, representa pa su Presidente Neven Ilic y Secretaria General Jimena Saldaña, a expresa claramente nan disposicion pa colabora estrechamente cu Gobierno di Aruba y COA. E apertura pa cooperacion aki ta marca un paso importante pa impulsa progreso y crea mas oportunidad pa desaroyo deportivo na Aruba.

Un logro significativo

pa Aruba ta cu pa prome biaha, nos pais ta anfitrión di e reunion di Comité Ejecutivo di Panam Sports, cu lo tuma lugá diamars y diaranson. Durante e reunion aki, tur 30 miembro di e Comité Ejecutivo lo ta presente na Aruba pa participa den e deliberacionnan.

E echo cu Aruba a wordo escogi como sede pa un evento di e nivel aki, ta refleha confiansa den nos capacidad como pais pa organisa y acoge encuentro internacional di importancia, y ta confirma nos posicion como un socio activo den desaroyo di deporte den region.

“Nos ta orguyoso di por ricibi Panam Sports na Aruba y di fortalece e lasonan di colaboracion cu COA. Hunto nos ta sigui traha pa crea un ambiente unda nos atletanan por desaroya nan talento y representa Aruba cu orguyo riba escenario local y internacional”, segun Minister Gerlien Croes.

Gobierno di Aruba ta

reafirma su compromiso pa continua na inverti den

deporte como un pilar fundamental pa desaroyo

social, salud y oportunidad pa nos comunidad.

CELEBRACION NACIONAL

DIA INTERNACIONAL DI BAILE

RECONOCIMIENTO SPECIAL

DEPARTAMENTO DI CULTURA, ARUBA, DEN NOMBRE DI MINISTERIO DI CULTURA, ARUBA Y DEN CONEXION CU CELEBRACION NACIONAL DI DIA INTERNACIONAL DI BAILE DECLARA PA UNESCO TA OTORGA E RECONOCIMIENTO NA:

Biblioteca Nacional Aruba

CU SU PROYECTO: “CONTA CUENTA NA CASNAN DI NOS GRANDINAN DEMOSTRACION DI BAILE DI SALON DI CAHÍ ORGEL, TUR ESAKI COMO MUESTRA DI APRECIO Y BALOR PA BOSO EXCELENTE TRABAJO ARTISTICO Y COMPROMISO DI PROMOCION DI LITERATURA Y ARTE EN GENERAL DEN UN PROYECTO EDUCATIVO Y PEDAGOGICO CU A RESALTA NO SOLAMENTE NOS FOLKLORE, SINO TAMBE E EXPRESION PODEROSO DI BAILE TRADICIONAL CU NOS TA KEDA PROMOVE.

MASHA DANKI PA BOSO EXCELENTE CONTRIBUCION Y PA COMPARTI CU NOS PUEBLO EN GENERAL, TUR E LENGUAJE BIBO DI UN EXPRESION ASINA RICO CU TA YUDA NOS RECONOCER NOS IDENTIDAD Y EXALTA NOS RIKESA MULTICULTURAL.

DCA
Departamento di Cultura, Aruba

unesco
Aruba
National Commission

Gobierno di Aruba

Siman pasa, Biblioteca Nacional Aruba a ricibi e Reconocimiento aki pa su proyecto anual ‘Conta Cuenta na Cas di nos Grandinan’, 2006-2026.

Danki na e comision, Media Team, sponsors y tur otro cu a contribui na e Proyecto pa añanan largo, aki cu ta cay bou di servicio na ‘Nos grandinan’.

BAN BEK CAYA EDICION SPECIAL DIABIERN AWO

**Invitacion na comunidad pa celebra diversidad cultural
durante Encuentro Multicultural 2026**



Gobierno di Aruba conhuntamente cu Departamento di Cultura Aruba (DCA), Comision Ban Bek Caya y diferente organisacionnan comunitario, ta invita comunidad pa participa

den e 21 edicion di Encuentro Multicultural Aruba 2026, un celebracion special den marco di Dia Mundial di Diversidad Cultural pa Dialogo y Desaroyo. E evento multicultural

aki, cu durante añanan a bira un simbolo di union, convivencia y respet mutuo na Aruba, lo reuni diferente comunidad y nacionalidad pa celebra e riqueza cultural cu ta caracteriza nos isla.

Evento lo tuma lugar diabierna 29 di mei, riba La Linda Plaza den caya Grandi, for di 6:30PM te cu 10:30PM.

E programa lo inclui un desfile y entrada di bandera, sigui cu un festival gastronomico y show multicultural cu lo presenta musica, baile folklórico y expresionnan cultural di diferente pais y comunidad.

Entre e participantenan tin e Grupo Multicultural Aruba cu representacion di Aruba, Boneiro, Corsou, Caribe, Venezuela, Comunidad Wayuu, Colombia, Mexico, Filipinas, Surinam, Spaña, Portugal, Peru, Brazil, Haiti y India.

Ademas di e feria culinario internacional, e publico lo por disfruta di presentacionnan cultural di agrupacionnan manera Caribbean Combo di Scol di Musica Rufo Wever, Grupo Afro Tambor Venezuela, Vallenato Premium, Alma Llanera, Alma Gitana, Gucci

Dancers Aruba y diferente otro agrupacion folklórico. Tambe lo tin participacion special di artistanan invita for di Peru, fortaleciendo ainda mas e caracter internacional di e encuentro.

Gobierno di Aruba ta aprecia profundamente e cooperacion entre ministerionan, institucionnan cultural, fundacionnan, medio di comunicacion y tur comunidad participante cu ta contribui pa haci posibel e edicion special aki di Encuentro Multicultural 2026.

E iniciativa aki ta refleha e vision di Aruba como un sociedad multicultural, inclusivo y habri, unda dialogo, respet y intercambio cultural ta fortalece e conexion entre pueblo y comunidadnan.

Tur comunidad ta cordialmente invita pa bishita, participa y celebra hunto e diversidad cultural cu Aruba tin pa ofrece.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

PANAM SPORTS DI BISHITA NA OFICINA DI COA

Finalisando e reunionnan di awe ta e bishita na oficina di Comité Olimpico Arubano (COA), unda e grupo di Panam Sports a haya un recorrido completo di e edificio, cu su diseño ta conta un storia completo di e historia di deporte di Aruba. Banda di esaki a presenta e ekipo dinamico cu ta traha cu pasion y dedicacion pa hiba deporte dilanti riba nos isla.

Na final a sinta na mesa cu tur hende presente y a hiba un combersacion unda tur hende a conta un poco di nan tareanan na COA, ademas di elabora riba e situacion actual di desaroyo deportivo riba nos isla.

COA ta gradici Panam Sports pa e bishita y e boluntad di kier hiba



e combersacion cu tur miembro di e ekipo pa asina tur hende un bos.



SOPI DI LETRANAN

Z	T	K	L	Z	C	P	H	A	M	O	R	B	P	P	E	L	J	BROMA
Z	B	L	N	B	F	T	S	O	G	K	T	E	W	C	C	J	K	BRUJA
E	Z	V	A	M	P	I	R	O	G	O	H	D	X	A	Y	N	X	CALABAZA
D	B	H	B	M	K	I	L	D	L	U	U	J	O	L	W	U	O	CARAMELO
N	Q	T	R	A	T	O	Z	L	D	L	E	O	P	A	A	X	A	DEMONIO
E	Y	I	Z	M	S	Q	X	A	C	X	L	R	D	B	S	Z	E	DISFRAZ
U	H	E	R	I	U	C	R	E	R	E	V	E	A	A	O	L	M	DUENDE
D	D	F	N	E	C	H	X	B	M	F	M	A	I	Z	Ñ	J	C	DULCE
F	C	A	B	R	U	J	A	A	R	O	S	O	G	A	I	O	A	ESPIRITU
A	N	O	C	H	E	F	R	L	N	O	T	I	G	K	N	R	M	FANTASMA
N	C	T	S	R	R	A	I	I	L	R	D	E	D	I	M	G	Á	FIESTA
T	K	Z	B	E	C	B	O	E	U	O	C	E	M	V	A	E	S	GATONEGRO
A	R	O	R	R	E	T	D	C	S	M	W	H	I	F	L	N	C	GOLOSINA
S	V	M	T	U	Q	V	O	O	J	T	W	E	X	M	E	O	A	HALLOWEEN
M	I	T	O	C	T	U	B	R	E	O	A	L	E	L	V	T	R	HOGUERA
A	U	V	Q	U	T	I	R	Í	P	S	E	I	L	N	J	A	A	MÁSCARA
R	A	L	L	I	D	A	S	E	P	U	E	F	Q	F	G	G	K	MIEDO

BROMA
BRUJA
CALABAZA
CARAMELO
DEMONIO
DISFRAZ
DUENDE
DULCE
ESPIRITU
FANTASMA
FIESTA
GATONEGRO
GOLOSINA
HALLOWEEN
HOGUERA
MÁSCARA
MIEDO
NIÑOS
NOCHE
OCTUBRE
PESADILLA
TERROR
TRATO
TRUICO
VAMPIRO
VELA

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa
sempre, bunita titulo pa Hesus aunke Hesus no mester di ningun
introduccion of titulo paso E ta Dios y Dios ta Amor. Asina mes den
Hesus nos por experencia Amor, E Amor Unico cu nos tur ta anhelar
consciente y inconscientemente nos tur ta anhelar di experencia E Amor
di Dios.

Ta difcil pa esey sosode? Ta bon pa nos sa cu tur cos ta
depende di con habri nos curason ta pa Hesus y con nos ta permiti
Spirito Santo move den nos.

Diadomingo nos a scucha cu nos tin e
donnan y awor ta keda nos nada mas cu resa y pidi Spirito Santo habri
nos curason pa nos experencia y pone e donnan den practica y asina
acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia
y acerca Bo curason misericordioso pa nos salvacion.
Amen

FORTALEZA PA FAMILIA

Scribi pa Pastor Marcel Balootje.

TENE CUIDAO ORA PICA Y INMORALIDAD BIRA ENTRETENIMIENTO

Ora hende tuma pa custumber pa apoya pica, maldad, y inmoralidad, e ta algo peligroso den bista di Dios.(Romanonan 2:5).

Awendia a bira normal ora dos hoben sea homber of muher ta bringa cu otro, tin hende para den banda ta filma pa pone riba facebook, y tin biaha ta hende grandi cu mester para e asunto of yama polis.

Ta normal ora un polis para un hende cu auto of cu brommer e persona sigi corre y trata di huy pa polis, pero e polis si mester comporte netji sin aplica ley y laga e show tuma lugar.

Hende ta den adulterio ta fiesta, bebe, baila y ta graba pone riba facebook y otro media pa asina e rival por mira con nan ta gosa.

Usamento di droga den publico, pa asina e holor por demostra cu nos no tin cunes,ta droga nos ta usa.

Hoy se bebe, a bira tur dia se bebe, y asina alcohol a tuma control di bida y henter famia.

Violencia den famia, pelea den matrimonio,destrui propiedad di otro a cohe un direccion doloroso.

Hopi biaha cu nos tende a perde cos, accidente di auto, y laga auto atras , manera e no ta bal nada, tin maldad su tras.

Abuso di mucha, violacion, a bira algo normal, ora un relacion ta bay kibra of a kibra, pa asina haci danjo na yiu di hende pasobra e relacion a termina.

Haci cherche di palabra di Dios, haci malo.biba den pica y abominacion y usa palabra di Dios y bisa "Esun cu no tin pica tira e prome piedra"

Tene cuenta cu ora bo consenti cu pica ta mescos cu ta bo mes a hacie.

Ora David a manda traha un trampa pa Urias pa asina e muri ora bataya a cuminsa, Dios a mustre cu e mes ta e criminal.

Ora como mayor nos no ta disciplina nos yuinan, e ora ey Proverbionan 19:18 ta bira realidad, pasobra esun cu ta stima su yiu ta pone disciplina for di chikito.

Ora nos laga cos bay for di man nos ta bira complice, ora nos ta apoya maldad, y inmoralidad, nos ta complice.

Nos ta bibando den un tempo manera Sodoma y Gommora,nos ta un isla chikito cu Dios a spaar for di desasternan natural, pero e hecho cu maldad y inmoralidad a bira entertainment, ta pone cu hopi dolor y sufrimento ta alcanza nos isla.

Mas awor ainda cu tin huramentacion diabolico ta tuma lugar den e famoso Geng di hobennan, caminda tur hende sa pero ningun hende no kier papia pa nan no haci e famoso "Snitch" cu por causa nan bida, of demostra cu nan ta menos homber, y pregunta ta bini awor ta na unda nos ta bay cu e situacion aki?

Ta bon pa den cada cas mayor y yiu lesa y medita den Proverbionan 5:7-14, y wak si no tin cos pa drecha den bida.

Y boso soporta otro y perdona otro, si un di boso tin un keho un contra otro, mescos cu Senyor a perdona boso, boso tambe mester haci.(Colosensenan 3:13).

Hende bobo ta haci bofon di pica,ma e favor di Dios, ta biba meymey di e rectonan.(Proverbionan 14:9).

No ta pasobra nos ta bibando den tempo trabahoso, nos mester bay di acuerdo cu maldad y inmoralidad, mantene bo mes limpi y puro, sea di bon karakter, mantene bo integridad na halto, biba den Santidad, aleha for di diablura. Biba firme den Senyor.

Esey ta nos tur su deber y e ta bon pa nos, demostra bondad tur momento. Sinceramente, Pastor Marcel Balootje.

SEÑOR ta mi Wardador, mi n' tin falta di nada;
den kunuku di yerba bèrdè E ta pone mi sosegá. E ta hiba mi na awa trankil,
pa mi bolbe haña forsa. E ta guia mi den kaminda drechi fiel na su nòmber.
Salmo 23

Cu hopi tristesa pero conforme cu boluntad di dios nos ta anuncia fayecimento di:

Sr Eusebio Wilfrido Kelly

Mihor conoci como pido, frido, chepo , mandigo
* 14-08-1959 + 24 - 05 - 2026



Su Mayornan:
+Antonio Kelly & + Evarista Maduro

Su Esposa(casa)
Ribertadeta Elizabeth Kelly Croes

Yui nan:
Roxann Kelly & Rileyson Lindeborg
Reginald Kelly & Vanessa Kelly Martijn

Nieto/a nan:
Alexa Maduro
Ryliann Kelly
Reyven Kelly

Ruman nan:
Teodora Francisca Kelly & Samuel Galan
+ Maria Quintina Kelly
Cristobal Fidencio Kelly

Manera un ruman stima:
Norma Jandroep

Subrino/a nan:
Jeanise Paredes & Jesus Paredes
Joshua Paredes
Jonathan Paredes & Famia
Joselin Arindell

Omo / tanta nan:
+Vicente Maduro & Famia
+Juan Maduro & Famia
+Jacintho Maduro & Famia
+Feliciano Maduro & Famia
+Serapio Maduro & Famia
+Virgilio Maduro & Famia
+Antonio Maduro & Famia
+Alicia Maduro & Famia
Carmelo Maduro & Famia

Primo/ a nan:
Rafeala Elizabeth Statie & Famia
Rolando Statie & Famia
Mayra Statie & Famia
Mario Maduro & Famia
Augusto Geerman & Famia
Tony Geerman & Famia
Susana Kelly & Famia

Swa/cuña nan:
Ana Maria laaf Croes & Famia
Swinda Sabina Klaphaak Croes & Famia
+Filma telemina Croes & Famia
Carin Jacqueline Jansen Croes & Famia

Cuña banda di nuera:
Shamila Martijn

Consuegro/Consuegra:
Mario Martijn & Norma Martijn

Tata di su nieta:
Sergio Maduro & Famia

Manera un yui stima:
Jeune Angela Semeleer & Ryan Semeleer

Manera un nieta/o stima
Elizabeth Semeleer
Xienna Semeleer
Hunter Semeleer

Amigo/a nan:
Hieronimo Koolman
Micheal Earlington
Pedro van Heyningen
Benny De Kort
Ivan Maduro
Zhair (sonny) Alli & Famia
Ricardo Rasmijn
Mirto Croes
Randolf Kip
Andre Geerman
Mirto Maduro
Nancy Jimenez (Colombia)

Ex colega nan di Gele koorts muskieten
bestrijding Aruba (gkmb) &
Su Ex Team di Baseball Aruba

Demas Famia:

Kelly Maduro Martijn Croes Paredes Arindell Statie Geerman Laaf Klaphaak
Jansen Semeleer Angela Alli

Ta invita famia amigo nan conoctr nan pa asisti na e acto di
condolencia y entiero cual lo tuma lugar diahuebs 28 mei 2026 na
Olive Tree na piedra plat 27Z pa 2 or atardi pa 4 or atardi.

Despues di cremashon nos no ta ricibi bishita di condolencia na cas
Nos disculpa si den nos tristesa por a lubida algun
miembro di famia of conoctrnan

MINISTER DI EDUCACION, SRA. MR. GERLIEN CROES TA VALIDA PLAN PA ADAPTACION Y AMPLIACION DI CURICULO Y PROFESIONALISACION EN CONEXION CU ENSEÑANSA MULTILINGUAL, INCLUSO PAPIAMENTO Y OTRO IDIOMANAN

ORANJESTAD, 25 di mei 2026 - Minister di Education ta organisa consulta cu scolnan basico pa scucha idea y sugerencia di e maestronan di klas 1, 2 y 3 riba ampliacion di material educativo y training di maestro relaciona cu enseñansa multilingual. Desde 2024 a introduci cambio den curiculo den scol basico. Papiamento a bira e idioma cu e muchanan ta siña lesa y skirbi aden y ta siña Hulandes den un forma cu

ta pas cu muchanan cu no ta lanta ta papia e idioma. Minister di educacion, sra. mr. Gerlien Croes a laga haci un investigacion preliminar riba e implementacion di dicho cambio pa tuma desicion riba e miho manera pa sigui cu enseñansa multilingual. Maestronan ta indica di tin mester di mas sosten y profesionalisacion. Tin diferente punto di mehoracion pa loke ta trata curiculo y material pa scol, como tambe

profesionalisacion di maestro. Ademas enseñansa den Papiamento y Hulandes no ta para los di esun di Ingles y Spaño. E dos ultimo idioma aki tambe tin nan funcion den siñamento di nos muchanan y mester haya nan lug den e curiculo di scol. A base di e resultadonan aki y e recomendacionnan ricibi, ministerio di educacion a traha un programa pa desaroyo di

enseñansa multilingual. E accionnan describi riba tereno di curiculo y profesionalisacion ta loke minister di educacion ta laga valida durante e tres encuentronan cu veld dia 26, 27 y 28 di mei venidero. Den e forma aki Minister ta percura cu e maestronan ta haya e oportunidad di duna nan punto di bista riba e conclusionnan y e accionnan formula. Finalmente ta tur actor hunto por logra desoroyo di calidad di enseñansa pa

nos muchanan. Mientras tanto, cu ayudo financiero di Hulanda, minister di educacion lo inverti den desaroyo di material teniendo na cuenta diferente punto cu a bin dilanti den e proceso aki. Segun Minister Gerlien Croes; "Nos ta traha pa un enseñansa inclusivo, pa medio di cual e muchanan ta desaroya dominio di idioma y alabes por uza e diferente idioma cu nan ta domina miho pa nan por siña".



Minister di Relacionnan den Reino, Educacion, Hubentud, Innovacion y Deporte
mr. Gerlien Croes

Encuentro di validacion di programa "Meertalig Onderwijs"

Minister di Educacion: Consulta cu scolnan basico pa scucha idea y sugerencia di e maestronan di klas 1, 2 y 3 riba ampliacion di material educativo y training di maestro relaciona cu enseñansa multilingual, cuminsando cu Papiamento y Hulandes.

26 - 27 - 28 di mei 2026

Invitacion a bay na tur cabesante y schoolbestuur, un recordatorio na tur maestro di klas 1 - 2 y 3 pa registra.



Paardenbaasstraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 26, 2026

 Sorteo # 4984 0549 9936 1138  X2  Sorteo # 4984 0273  FP Sorteo # 3940 7046  Sorteo # 4984 4817 Libra  Sorteo # 1858 003  FP	 Sorteo # 0 x Jackpot 0 x Match 4+ 0 x Match 4 0 x Afl. 12.00 Joker Letter Proximo Jackpot 360.000,-	 Sorteo # 0 x Jackpot 0 x Match 4 0 x Afl. 8.00 Proximo Jackpot 150.000,-	 Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 Mega Ball Proximo Jackpot 270.000,-	 Afl. 370.000,-	 Sorteo # 
--	--	--	--	--	--